

通許縣志

第一冊

卷之一 輿地志  
卷之二 建置志  
卷之三 田賦志









新建阮君雲溪令通許之十年政平人和百事具  
舉乃與大興邵君欽五上下議論參考商榷重輯  
縣志十卷旣成問叙於余余惟縣令爲親民之官  
久於其任則相習相習則如家人婦子痛癢皆得  
周知故忠信之長惠慈之師必需之以歲月然後  
所欲所惡息息相通遂成上安下全之治由是採  
一邑之典故仿國史以成書旣熟悉夫山川風土  
之形人物事爲之實徵文攷獻棄取精詳因端以



竟委循末而知本蓋匪伊朝夕之故矣通許縣在  
開封府東南春秋時爲許東偏地漢唐屬陳留郡  
宋建隆初立通許鎮咸平五年卽其地置咸平縣  
金大定中始改今名縣境廣輪五十里土地平曠  
無崇山峻嶺之限黃河經流其西間有水患其土  
雅馴而尚禮其民淳朴而移本風俗最爲近古  
國家承平百二十有餘年生養休息化臻上理通  
許雖蕞爾小邑此來黃流順軌歲事屢豐在中州



亦頗稱易治先後蒞茲土者不下數十人惟望江  
王應珮安平黃沛治行卓著阮君繼二君後以經  
術餘吏治先其大者後其節目如葺城垣修學校  
濬溝渠次第經營民不擾而事咸集近又勒成此  
書垂諸不朽非所謂靖共夙夜者耶按舊志昉於  
明嘉靖間我

朝曾一再修之今阮君筆削一本史法記載不煩  
綱目張舉誠足以信今而傳後矣循是以從政將



隨所施行無不可者正不獨一邑之賴以安全已  
也余故樂觀其成弁數言以告後之君子

峕

乾隆三十六年歲次辛卯正月下浣中憲大夫知  
開封府事嵎峨周於智題



續修通許縣志序

邑之有志猶國之有史周禮小史掌邦國之志外  
史掌四方之志志雖屬于一邑而國史之作基焉  
王制命太史陳詩以觀民風命市納賈以觀民之  
所好惡古帝王省方問俗卽井里之盛衰驗政教  
之得失民隱時艱靡不周察則今郡邑之有志上  
備

朝廷之採擇下垂奕世之勸懲所關不綦重哉我



國家重熙累洽道一風同遠而重譯欵塞來享來王  
亦且按圖披籍以昭晰其土俗人心矧許爲中邦  
赤縣屏障汴南烏可使文物典章久而湮沒考通  
許于春秋時爲許東偏地雖褊小而賢豪輩出名  
宦醇儒項背相望且士敦古處民樂耕桑有鄒魯  
唐魏之風固知不煩督責而治易行也曩年數被  
災祲謀食不給俗稍凌夷邇來歲事漸豐日有起  
色家詩書而戶禮樂尊君親上之忱孝友睦姻之



誼油然而生間有一二不率之徒示以薄懲亦遂  
革其故習婦女多知節義冰蘖清操數難更僕舊  
俗惑于巫覡每叩神以邀福禳災爲事龍光於讀  
法之期親講

聖諭曉以彛倫聽者莫不首肯是皆由其質性之淳  
導之以正則樂趨於正也以故宰此八年析楊不  
事囹圄空虛吏事舒徐民氣和樂急公趨事彼此  
爭先濬溝渠修城郭繕文廟葺奎樓以及墘墀祠



言集卷八  
四  
宇次第修舉煥然一新於是邑紳士更願出貲以  
修志爲請乃韙而應之曰考文徵獻傳後信今甚  
盛舉也舊志修于雍正戊申迄今四十餘年簡編  
零落字跡模糊而其間土田日闢人物日增法制  
政教之詳詩歌記傳之富倘不補而輯之亦復懼  
其散佚無傳數年來有志未逮而諸君子適有同  
心其所藉以援據古今以襄治理用彰

熙朝德化之隆者不于此舉見之乎爰捐俸五十金



爲但諸紳士欣然醵金襄之遂設局於感寧  
院長邵葵露先生燕臺名宿也珥筆主稿學博  
君峩然分訓王君位南邑孝廉貢君耀南互相  
訂龍光乘簿書之暇與共商權載筆于巳丑七月  
脫藁于庚寅四月証誤訂譌芟繁補缺絕偏私之  
見存直道之公典而該有體有要後之採風者  
斯編而一邑之掌故班班具在不可謂非泰山  
壤之一助也



晉

乾隆三十五年歲次庚寅孟夏上澣之吉

內廷行走文林郎知通許縣事新建阮龍光謹序



續修通許縣志原序

國朝邑令 王應珮 望

邑之有志志一邑也何取乎志一邑曰重民俗也何取乎重民俗曰昭政治也前此無志乎曰有有則此何以志曰續其舊也後此無志乎曰有有則此何以志新也然則不虞其軼乎曰軼者收之莫敢廢也然則不虞其散乎曰散者彙之莫敢紊也然則不虞其雜乎曰雜而不越夫何雜也然則不虞其簡乎曰簡而能該夫何簡也凡旣備矣而志乃信而志乃成而後邑乃有志子宰汴之通許十年於茲矣始至之日卽嘗披閱其所爲志者而未嘗不惜其久而不修也易象曰風行地



上觀先王以省方觀民設教商書曰事不師古以克永  
世匪說攸聞周書曰學古入官議事以制政乃不迷大  
雅曰先民有言詢於芻蕘又曰雖無老成人尚有典刑  
王制曰命太史陳詩以觀民風命市納賈以觀民之所  
好惡凡此皆言治也卽皆言志也今許之宜志而未及  
志者前後積三十餘年矣我

國家貽謀燕翼累洽重熙厚澤深仁淪肌浹髓其諸重道  
崇儒勸農貴粟廣訓萬言數大政所以爲人心風俗計  
者更史不勝書而中州密邇王化又幸值各上憲推廣  
皇恩實心實政一切化民成俗之事靡不鼓舞振作嘉與



維新故一時窮鄉僻壤田婦畊夫皆能向風慕義興起  
無窮而吾邑之父老子弟其得沐浴至治歌咏太平相  
安於俗吏之拙者亦旣匪伊朝夕此之弗志志之弗續  
將三十餘年以來之良法美意懿行嘉言旣懼其日久  
滋疑無以昭一代之治而後之吏斯邑者政有所未通  
事有所不悉奚所規而行焉卽有一二好古之士欲有  
所據以心知其意亦不可得其又何以神遊盛世而想  
見今日之淳風也哉用是集邑之國子先生鄉之縉紳  
學士商所以修厥志者諸君子皆欣欣喜色合詞言曰  
善敢不敬蚤夜以求觀厥成而吾邑志之脩於是乎遂



決爰假館於學之忠義祠始自仲秋訖於長至凡三十  
餘年以來之天時人事土物心臧所見異辭所聞異辭  
所傳聞又異辭者無不畢至而予時視事許田奔走道  
路間亦從公餘之暇親詣館局與諸君子講求訂正擇  
其確乎可據信而有徵者各從其類以附於向來作者  
之後共成一書以彰

聖天子之治化著各上憲之旬宣其亦庶幾十年勞吏補  
直罅漏之一端也歟後有作者可以鑒矣集成而諸君  
子且于其來前曰是不可以無序予笑而應之曰是  
予之責也夫是予之責也夫



通許縣志原序

陳 燝

孔子嬪在茲之統推本文王蓋周以前帝王之迹備於  
文而列國之蹟莫備於周柱下猶龍氏主藏者孔子訪  
焉人知尼父授禮老子不知探柱下而觀史正作春秋  
所權輿也以孔子正人心不能外春秋他有所托而春  
秋之事取諸史故史者天下之人心出焉治天下之大  
權筦焉以天下之蹟不勝窮不博蒐必有所遺覆載之  
大可使有暨有不暨乎於是乎明堂臨之輶軒采之象  
胥通之萃海隅日出流沙僭耳之土俗人心觀其貞淫  
察其得失歸之於大正則鳳閣鸞臺之春華非史而窮



簷丸邑耕夫饁婦之起居告語信史也有天下者不可  
不治史治史而天下之理得所以治天下因時制宜之  
理斯得然天下之大積於郡邑郡邑之事積於閭黨閭  
黨之事不及知無問四海矣古帝仁覆天下不外咨虞  
兆姓之心唯是簡宅揆以統方岳任方岳以聽庶國而  
上之覃敷捷下之聲氣靈四海雖曠無能間之此詢事  
考言所以來如神之舉也今人目不覩垣外而觀史則  
不下堂已周郡邑之志不上於宗伯不得名爲史而史  
必集志以成猶夫製裘聚千狐之毳也周公定鼎土中  
侯衛取則焉卽後世而考道問俗思得豫州之風氣尤



亟於得八埏之圖書奈降訥以來存焉者寡歲癸巳賈  
令君視許見志乘泯闕卽愀然曰風俗莫備於文憲失  
今勿考厥後將奚徵懸賞格重購之未幾有持敗煤故  
楮從十舍外獻者嘉靖前志書也假令新志併得君必  
哀加近事立較鈐之豈俟今日哉乃歷五閱歲躬自網  
羅軼行按訪逸聞旣稍稍集而大中丞徵書之檄旋下  
蓋修葺之不容緩令君稔知之早綿蕞之矣爰亟出其  
藏禮聘能史人屬之筆削正其芟蕪務質毋綺務直毋  
媚務節毋濫務闕所疑毋徇曹所好惡書成一披對間  
而繇來之掌故世序之推遷人文物變釐然在目不逐



故迹俱湮而隨新圖於鑠者洵良史也牧伯彙而上之  
司農府藏之柱下以永新

聖天子同風之化邑乘雖細亦鉅之靡可遺已况忠孝節  
烈文采方隅所產而備橫普充塞之氣槩尤難以方隅  
限者詎曰許一偏貌之乎哉余侄璿列許司訓辱在校  
繕因爲令君達意微誦言以序余因樸櫟且謝藜室日  
久尚安能文俛思之史質事也余唯質言之蓋人都摘  
詞貴華而紀事必務實但令是非不貿如孔氏卽勸懲  
立人心正風俗醇將

朝廷彰輝大權直懸而不試可耳史之關世道豈少哉讀



且竟不禁擊節而興嘆曰善夫賈子之爲是







通許縣志舊序

邑令 陳 正

嘉靖辛丑歲余承乏通許既視篆卽欲稽往哲之遺化觀今日之民風訪邑志則缺焉一日試諸生于庠而策問之則亦漫然于答也後訪得遺藁乃正德間邑人韓君玉所纂而李崆峒先生所筆削者也書未脫藁而韓君歿事遂寢歷年旣遠不無掛漏之失况當補續者尙多於是聘本邑張君公薦劉君五崑重加考証而復益以舊聞及新所採錄仍命邑庠子子繩尺張子鑰更爲校繕五越月而書成夫邑之有志所以昭今古別淑慝而垂世教者也是志也非史之遺意乎政治可徵也民俗可驗也則夫信後世



示勸戒返淳龐悉於斯志焉賴之則通許之志之爲也而  
豈徒然哉且河南爲天下腹心河嶽間氣之鍾固文獻之  
淵藪而通許密邇汴城其人文風物之盛當不劣於他邑  
然自今日觀之不能無少變焉古云風俗不常美亦不常  
弊善焉惡焉惟人是繫其轉移之機將不存乎其人耶余  
蒞斯土每以曠官爲懼因思所以治是邑者在興學重農  
節財蓄力崇禮教以風澆俗而以身先之是故蚤夜圖維  
於前政之有遺愛於民者景仰取法以求免口素之誚若  
夫士復其良民還其樸使風俗歸于淳美以匹休於昔日  
則又未必不自觀斯志而感發興起矣吾士民尚相與圖諸



通許縣志原序

李一枝

大梁

夫國有志尚矣九邱之載無考焉禹貢職方載而不備斯  
王府之藏非列國之籍也秦兼天下圖籍盡歸咸陽蕭何  
入關獨先收此故漢祖接圖調發咸得其宜五載之中遂  
定天下志豈小補云乎哉我國家之建制也朝廷有一統  
志省有通志以及郡州縣各有志剔浮摺實褒貶昭著史  
之大義存焉通許之舊志久而湮滅邑人韓玉纂集未成  
淹沕捐逝今陳侯興去籍之嘆勤起墜之心聘邑望張君  
公薦劉君醇淑以襄厥事五越月而告成焉夫仰觀俯察  
揭星分野麗光於上覆冒於下述天文志第一邱陵山澤



高深險阻通氣蒸雲域民所輔述山川志第二利達五服  
維屏維翰親疎異等小大珠貫述封域志第三王公設險  
有依則久捍外衛內金湯斯守述城池志第四地道變盈  
陸谷易遷制因代異政以人宣述沿革志第五負版者式  
牧羊者良滋息則囊流曰怠荒述戶口志第六安土治民  
移風易俗陰以持盈陽以發育述禮樂志第七任土作貢  
則壤成賦輸納有經寬嚴有度述食貨志第八選錢留犢  
前史美稱作頌興謠代有令名述宦蹟志第九地靈人傑  
化行俗美聞風則興成章有斐述人物志第十天地正氣  
磅礴布流浩然之體何物不由述忠節志第十一明揚側



國辟乃鄉閭文學孝廉各有攸宜述選舉志第十二龍緣  
續著位以才充殊錫異數有沾卽榮述恩典志第十三斷  
禍增慕遺文興思弔之則嘯仰之則祠述古蹟志第十四  
五氣錯綜常變靡一禎祥妖孽應物而出述祥異志第十  
五孔徵文獻班序藝文言之不文何以永存述詞翰志第  
十六斯志也自天文至詞翰蓋十六則云考覈精當約省  
要實事類者附義乖者黜不有史才何以臻茲取其志而  
觀之則兵食之多寡豐嗇山川之平夷險阻一覽在目守  
戰愛養之力可以坐策矣豈曰小補云乎哉陳侯陝西之  
富平人名正字宗儒別號北泉鄉進士也方正不阿廉公



有威監司者已薦之廟堂矣力成斯志以補時政之缺云



修志姓氏

纂修

通

許

縣

知

縣阮龍光

江西新建人

編輯

通

許

縣

書

院

掌

教邵自祐

順天大興人

叅閱

通

許

縣

儒

學

教

諭喬瑞璋

武勝人

通

許

縣

儒

學

訓

導王午基

登封人

督刊

署

通

許

縣

典

史蕭鵬振

廣東嘉應人



通許縣典

史梁五岳  
廣東順德人

分訂

已卯科舉

人負映第  
邑人

經理

廩膳生  
員陳澄  
邑人

書院肄業附學生  
員馬昶  
邑人

校字

書院肄業廩膳生  
員段碧映  
邑人

書院肄業附學生  
員孫亮  
邑人

書院肄業附學生  
員張汾  
邑人



書院肄業附學生員張偉邑人

書院肄業附學生員孫毓秀邑人

書院肄業童生劉雲邑人

採訪

貢生婁日誠邑人

貢生王哲邑人

廩膳生員翟志仁邑人

廩膳生員景肇修邑人

廩膳生員賀景星邑人

增生員王正中邑人



增

廣

生

員汪大有

邑人

附

學

生

員韓潮

邑人

國

學

生司荆牧

邑人

膳寫

書院

肄

業

附

學

生

員康大睿

邑人

書院

肄

業

附

學

生

員崔雲路

邑人



舊志纂修姓氏

正德志

邑人山東鄒城縣知縣韓玉創修

嘉靖癸丑志

纂修知縣陳正編輯邑人山東臨清州知州張瑤山西平陽府同知劉崇儒

順治戊子志

纂修知縣賈待旌編輯邑人湖廣鄖陽府推官王章炳餘姚生員胡斌

康熙庚午志



纂修知縣吳轍編輯邑人揀選知縣舉人張正舉人莊  
榮先

雍正戊申志

纂修知縣王應佩編輯教諭韓昂邑人進士景份



縣志凡例

一舊志門類無次紀序冗雜今悉爲更訂分卷十爲綱  
八爲目七十有一各以類從有條不紊

一舊志輿圖畫手粗惡且村鎮之遠近川原之向背顛  
倒錯謬今爲改正庶幾按籍稽圖瞭如指掌

一星土之說得其大界不必委細以其躔次者廣也舊  
志缺圖今爲增入角星亢星圖各一

一通許在宋以前分隸杞尉扶溝各境咸平間始置爲  
縣故舊志沿革自立縣始要之漢魏晉唐其地自在  
究屬何部何郡固可考而得之茲據史作沿革表眉



已燦然較爲詳備

一疆域里至務取記載分明舊志如東界某邑西界某邑下忽又列本邑村鎮之名殊少文義今悉爲正之一凡紀事蹟編年則先古後今序次則由近及遠此一定體裁也舊志如龐涓塚之後于萊公墓練城潘樓之先于李左里以及山川村鎮東南西北之錯亂不可枚舉今皆爲改正

一舊志列災祥之目而志災遺祥已屬疎漏且將各災分類紀之更爲乖悖今悉編年以書并增入

國朝紀祥數條前代則無從徵考矣



學校壇廟於建直志紀興修於禮樂志載儀典一  
兩見互相勾貫無架牀疊屋之病

一文事武備不可偏廢舊志無兵制今爲補入并以墩  
臺鋪路附載

一免糧散賑乃

朝廷子惠元元至意自宜大書特書茲附郵政于田賦志  
後俾食德飲和者知爲曠代盛典云

一政教之大莫過於禮樂我

朝增定典章盡美盡善自宜按時詳紀茲增禮樂志一卷  
雖各郡邑所通行實係一方之法守非好爲捃拾濫



登觀者鑒焉

一職官有功德于民者另立宦績一款有一二善政可紀者于名下附綴數語餘則但具里居姓氏

一舊志合選舉人物爲一殊屬可笑夫登仕版者未必都爲碩彥而負才德者何嘗盡與甲科今分選舉人物爲二志可以無譏矣

一舊志於人物外又立懿行一門分忠孝友義節五目是其所謂懿行者反不得爲人物矣于理則悖于文則瑣今立人物志分五目曰列傳曰忠烈曰孝友曰義行曰列女孰得孰失必有能辨之者



一生人例不立傳以須蓋棺論定也惟節孝不在此例  
一志與史體裁略同凡顯官碩德皆直舉其名蓋採諸  
公論垂示久遠非家傳私集比也舊志或稱公稱君  
今爲正之

一貞節已奉旌表及地方官給匾獎勵者一槩登載  
至窮簷嫠婦年例雖符而無由上達但係採訪公舉  
亦爲增入庶筠操霜節不至死而無聞焉

一藝文必有關本邑者方載如爲一家私言雖鴻文鉅  
筆不敢濫登

北平邵自祐歟五氏識







通許縣志目錄

卷之一

輿地志

圖攷

星土

疆域形勢附

沿革

山川

風俗

物產

古蹟

邱墓

祥異

卷之二

建置志

城池

公署

倉庫監獄附

學校

書院附

兵制

祠廟

寺觀

村鎮

橋梁附

街巷

坊表附

卷之三



通志卷之三  
田賦志

里甲 戶口 田稅 雜稅 鹽課 恤政

卷之四

禮樂志

典祀 壇壝 拜牌 拜詔 朔望 赴任

迎春 賓興 鄉飲 鄉約 祈禱 救護

卷之五

官師志

總部 知縣 縣丞 主簿 典史 驛丞

教諭 訓導 宦績



卷之六

人物志

列傳

忠烈

孝友

義行

列女

卷之七

選舉志

進士

舉人

武科

武職附

恩貢

拔貢

副貢

歲貢

例監

薦辟

封贈

胥掾優老附

卷之八

藝文志

上

誥勅

誌銘

墓表

誄一傳

引

啓

辨



疏

卷之九

藝文志

中

碑記

卷之十

藝文志

下

詩



通許縣志卷之一

輿地志

昔蕭何隨漢祖入關收秦圖籍遂得周知扼塞強弱  
之形則志之首輿圖宜也由是定分野則星土宜辨  
考幅員則疆域宜正觀設險則形勢宜知稽世變則  
沿革宜詳而山川之高下風俗之淳漓物產之良楮  
誠關一邑之重爰比類而書之至於弔往哲而歎獻  
覽機祥而修省則古蹟邱墓祥異尤當亟載焉志輿  
地

圖攷



縣境圖











# 縣城圖

費公祠



東嶽廟



關帝廟

城隍廟  
巴縣署

文昌閣


火神廟

縣衙

演武廳





社稷壇




洪福寺

山川壇






# 縣署圖
















學宮圖












# 城隍廟圖













書院圖













星土

禹貢兗豫之域角亢分野

開封豫州竟

周禮注房心豫州又曰九州屬北斗而豫州屬搖星

史記天官書曰房星豫州又曰觜觿參魏之分野

注開封時

留實當其分

晉書天文志班固取三統歷十二次配十二野自氏五

度至尾九度爲大火於辰在卯宋之分野屬豫州

唐書天文志曰自上元之首以度數紀之而著其分野

州縣雖改隸不同但據山河以分耳自角八度終氏

一度皆豫州之分又曰汴陳壽星之分也




明史河南之開封府角亢分

按唐書天文志曰角八度終氐二度皆豫州之分  
則由氐五至尾九爲大火配宋之分野而通許舊  
隸陳留是屬角亢之墟爲至當




角宿圖





亢宿圖





疆域

通許縣屬河南省開封府東西廣四十五里南北袤五十里

東至杞縣界三十里至杞縣六十里

南至扶溝縣界四十里至扶溝縣九十里

西至尉氏縣界二十里至尉氏縣五十里

北至陳留縣界二十里至陳留縣四十五里

東南至太康縣界五十里至太康縣一百二十里

西南至鄆陵縣界三十里至鄆陵縣一百里

東北至杞縣界二十里至杞縣六十里



西北至祥符縣界十五里至省城八十里由省城一千  
五百六十里達於

京師

形勢

附

圖勢盤旋河流控帶

通志



沿革

通許古許國東偏地春秋隱公十一年鄭伯入許許莊公奔衛鄭使許大夫百里奉許叔以居許東偏使公孫獲居許西偏今城西門有石額曰舊許西偏縣西南又有許大夫百里碑其爲舊許地無疑至漢置陳留郡通許則界於陳留雍邱尉氏之間一統志以爲陳留扶溝地趙宋建隆初置通許鎮於扶溝縣北域始有通許之名咸平五年置咸平縣金大定二十九年以名與咸平府同改爲通許縣元明因之

國朝仍明制

沿革表



歷代

總部

郡

縣

唐虞三代

兗豫之域

春秋

許國東偏地

戰國

魏

大梁

秦

三川郡

漢

兗州部

陳留郡

三國

魏兗州部

陳留國

晉

兗州部

陳留國

豫州部

潁川郡



宋 兗州部

陳留郡

南兗州部

秦郡

南豫州部

南梁郡

後魏 梁州部

陳留郡

鄭州部

潁川郡

東魏 北揚州部

陳留郡

梁州部

開封郡

鄭州部

許昌郡

北齊 北揚州部

陳留郡

後周 汴州部

陳留郡



隋 豫州部

梁郡

潁川郡

唐 河南道

汴州陳留郡

許州潁川郡

梁 東都

開封府

後唐

汴州宣武軍

晉 東京

開封府

漢 東京

開封府

周 東京

開封府

宋 京畿

開封府

或系



三里岡

縣東三里

六營岡

縣東八里

長智岡

縣東十五里

棗陵岡

縣東二十里

趙堤岡

縣東二十八里

高陽岡

縣東三十里

邢家岡

縣東北三里

李道岡

縣東北十里

硃砂岡

縣東北十五里

盧氏岡

縣東北二十里

閻墓岡

縣東北十五里

王固岡

縣東北三十里

靳岡

縣東南八里

栢子岡

縣東南十二里

陰岡

縣東南十五里

青岡

縣東南二十里

彪岡

縣東南三十里

仲舒岡

縣東南三十里



歐陽岡

縣東南三十里

鸞鵲岡

縣東南三十里

翟岡

縣東南三十五里

韓朱岡

縣東南三十八里

栗齊岡

縣東南四十里

鞍子嶺

縣東南四十里

伏牛岡

縣東南四十三里

茶茅岡

縣東南四十五里

巴陵岡

縣東南四十八里

穰子岡

縣東南五十三里

城耳岡

縣西八里

乾峯岡

縣西北二里

盧敖岡

縣西北十里

孟岡

縣西北十五里

朱氏岡

縣西北十五里

紅岡

縣西北十五里

盧村岡

縣西北十八里

車岡

縣西南十二里

大岡

縣西南十八里

小岡

縣西南二十里



金

南京路

開封府

通許縣

元

河南江北行中書省汴州路總管府

通許縣

明

河南布政使司開封府

通許縣

國朝

河南布政使司開封府

通許縣



何亦題詩開良自

蘇若課

中書省者快筆縣管叔

蘇若課

蘇若課

蘇若課



皇岡 縣西南二十里

吳召岡 縣西南四十里

標臺岡 縣南三十里

鳳形岡 縣北一里

梁墓岡 縣北十五里

黃河 洪武初自汴西杏花營分流經縣西三里南達

前折而南經縣東門入於太康初營建北京運輪

由於此時通政祝公督運淮淶等處木料舍於鳳形

岡之陽河東於岡湍激洶湧多覆溺之患乃建晏公

廟公卒葬岡東正統二年河道淤塞復由汴南百

岡至縣西入扶溝舊河成化十八年則自汴之唐

決口由縣北李道岡直趨太康二十一年江淮糧

秦晉悉由是而上焉二十三年河徙於汴之北

自朱仙鎮分流經縣西四十里復匯於扶溝

巨子岡 縣南十五里

羊耳岡 縣南十五里

山龍岡 縣北十里

團岡 縣北十里



雙溝

自汴之范村流入縣北分爲兩道至縣西復合爲一入扶溝境遂立闢於此是謂蔡河宋元時

江淮之漕河是也皇極賦云中有大川通闔帶都邑而北來走江湖而南會何客棹之常喧聚

而斯在千舸朝空萬車夕載正謂河之達于汴也

東河

在沈公村後

西河

在大猪村

盧氏河

在盧氏岡西

李道岡河

在李道岡西

西水窩

縣西北十里因雙溝河之水而潞焉

東水窩

在西水窩東二里

吳石岡河

在吳召岡東

七里灣

縣北七里自此折

夾河灘

縣南十五里

五宮池

縣西十八里

山龍口

縣北十里東河決南岸而堤堰不能制者也

清水口

縣西十里

河口

縣西南二十五里俗謠爲湯



青岡河

縣東南二十里邑多水患東南尤甚康熙三十八年知縣陳治策詳請挑挖自大青岡起經萬董嶺入杞縣境長六千五百六十八丈水患乃息嗣因河身窄淺乾隆二十二年知縣武昌國詳請動帑加挑寬六丈底寬二丈深五尺是後時為疏濬



正人基資無益無補

與資六人及資一十人

與資六人及資一十人

與資六人及資一十人

與資六人及資一十人

與資六人及資一十人



風俗

士習雅馴崇尚禮讓不事驕奢

民情淳厚勤于農桑拙于商賈急公輸少爭訟鄉間頗信佛事

冠禮久廢

婚禮有納采問名請期親迎之儀惟農民家議財不用啓幣凡娶至家焚香拜天地合巹三日行廟見禮婦家餽飯三日新婦於三日歸寧壻亦偕往日回門

喪禮三日而殮七日成服擇日發帛或三日或五七日不同飯僧施食戚族來弔者喪家設樂張燕以謝及



葬不拘時月或因貲用未克或因卜地未協有緩怠至數十年者葬之日延齒位兼隆者祀土神書木主墓後三日展墓封土而歸曰復三

祭禮惟登第入庠納婦以鼓吹迎祭品掃墓以祀

正月元旦早起拜天地神祇祖先拜父母及各尊長男婦皆行禮潔衣履出門拜戚友曰拜年三日內米麵戒生炊必豫儲熟食

立春日切生菜裹薄餅食之曰咬春前一日迎春東郊男婦往觀曰看春

元宵張燈三日金吾不禁十六日婦女登高曰走百病



二月二日爲龍抬頭打箕敲梁印灰埋穀謂蟲不食

三月清明節門插新柳婦孺或戴之頭上携壺榼紙錢

### 祭墓

四月朔日婦女采皂莢芽簪帶之

八日爲佛誕日覘風知歲豐歉

五月五日爲端陽節懸靈符于堂插艾于戶食角黍飲雄黃酒嫺戚以角黍雜他儀相贈

六月六日曰天貺節炙小麥麵微黃投沸湯中入以糖去熱濕免目疾日中曬書曬衣

七月七日婦女穿鍼乞巧



十五日爲中元節祭墓

八月十五爲中秋節以瓜餅相贈遺是夕婦女陳瓜果設香案于閨閣以拜月

九月九日登高賞菊飲茱萸酒

十月朔日祭墓剪紙成衣履焚之謂之送寒衣

十一月冬至祭先以粬粒俗名餛飩然亦惟執禮者行之

十二月八日爲臘八煮豆果雜米爲粥曰臘八粥親戚亦互爲餽送

二十三日祀竈云竈神將謁上帝白人間一歲事故祭



品必設飴糖以黏神口使不得言又旁具豆草飢竈神所乘馬

二十四日掃舍宇

除夕貼門神換桃符洒掃庭除敬設神位長幼卑尊聚拜曰辭歲聚飲曰守歲是夕爆竹聲達旦

風俗利病說

附

明邑令

安良澤

通許地形平坦風俗淳樸務本而節用敬上而畏法在開封以南爲僻壤稱易治焉然地僅八千餘頃編戶十有二里彈丸之區也故不設驛邇來官西北而適東南者咸避省城由通許冠蓋絡繹夫馬罷敝前因馬頭逃



竄改僉富戶而富戶往往傾產故加值復招募今招募者又苦不給加之則民力竭不加則召募者逃勢且不僉報卽私幫而其弊仍歸之民簡僻之地變而爲衝途此許之大可憂者也兼以蝗旱相仍賦斂急迫膏腴之田半爲勢家所有雖正賦不逋而雜差悉累平民民愈不堪命矣蒞斯地者毋以昔日之通許視通許而加意撫恤庶其有瘳乎



物產

穀之屬曰麥

有大麥小麥蕎麥三種

曰梁

又名藟

曰穀

俗名小米有黏者曰黃米

曰黍曰稷曰豆

有黃黑菜扁豆豌豆各種

曰芝麻

蔬之屬曰菰

即白菰又別種曰黃芽菜尤美

曰菠曰芥曰葱曰蒜曰韭

曰蘿蔔

紅白二種

曰莧曰芹曰蒿苳曰蔓菁曰芫荽曰藿

曰苽蒿曰落蓬曰金針曰蕃薯曰薯蕷

一名山藥

瓜之屬曰西瓜曰南瓜曰甜瓜曰王瓜曰菜瓜曰絲瓜

曰茄

一名落蘇

曰瓠曰葫蘆

果之屬曰杏曰桃曰榴曰李曰梨曰柿曰棗曰葡萄曰

沙果

一名花紅

曰蘋果曰櫻桃曰核桃



花之屬曰牡丹曰芍藥曰紫荊曰碧桃曰海榴曰海棠

曰丁香曰金錢曰地棠曰雞冠曰萱曰菊曰刺藤曰

金雀曰鳳仙曰石竹曰木槿一名日月季曰蜀葵曰

紫茉莉曰玫瑰曰玉簪

木之屬曰桑曰槐曰榆曰柳曰椿曰棟曰楮曰楊青白二種

曰栢

草之屬曰葦曰荻曰葛曰艾曰蒿曰苜蓿

藥之屬曰甘菊曰枸杞曰牽牛曰車前子曰草麻子曰

蒺藜子

羽之屬曰雞曰鴈曰鵝曰鴈曰鶉曰鳩曰鴉曰燕曰鶯



曰鵲曰鴿曰雀曰啄木

毛之屬曰馬曰牛曰騾曰驢曰犬曰豕曰羊曰貓曰兔  
曰狸

蟲之屬曰蠶曰蝶曰蜂曰蟬曰蛾曰螢曰蚓曰蟻曰蝠  
蝠曰蜚蠊曰蜥蜴曰螳螂曰蜻蛉曰蟋蟀曰蜘蛛曰  
蠅虎曰螻蛄曰蝸牛曰蚰蜒曰蟻蛄曰蠍曰蛇曰蠅  
曰蚊

貨之屬曰絲曰棉曰縠麻曰布曰硝曰礬



計者以口為日語曰無為曰不曰無曰無

曰無

曰無

曰無

曰無

曰無

手之屬曰無

曰無

曰無

曰無

曰無

曰無

曰無



古蹟

許田在縣治西一里古許田地周成王以周公有大勳勞而賜之許田爲魯朝宿之地魯桓公元年鄭伯以璧假許田卽其地也

百里左傳隱公十一年鄭伯入許許莊公出奔衛鄭伯使許大夫百里奉許叔以居許東偏使公孫獲處許西偏今城西有許西偏額去城十里又有許大夫百里碑

六營在縣治東八里相傳蘇秦以合從之術說趙遂相六國帥諸侯之師西伐秦連營於此



李左里廣武君李左車故里事載史記

酈生故里在縣東北高陽岡史記酈食其好讀書家貧落魄爲里監門吏卽此

七步在縣東北二十里卽曹丕命植賦詩處

邸閣在縣南二十里諸葛亮治斜谷邸閣以貯糧今邸閣或卽貯糧之所歟

練城在縣東南二十五里北魏高歡所築

上倉城在縣西八里城耳岡周世宗所築以貯江浙餽餉今遺址尚存

孟昶岡在縣西北三十里僞蜀孟昶好房中容成之術



採良家女子充後宮一切國事付之王昭遠與其子  
元詰宋太祖遣王全斌曹彬伐蜀昶銜壁歸宋封秦  
國公卒封楚王後盜發其塚得石碣題曰蜀孟昶墓  
居民爲封其發處

潘樓在縣南十里宋太師潘渼別墅

趙亭元邑人趙端卿築亭於此爲別墅

主人亭在縣北街明初取燕溯西河而上常駐驛於此  
傳有蓆殿朱欄

鷺鷥岡在縣東南昔傳有彩鳳集於其上故名按皇畿  
注是邑極平曠民有老而不識山者環邑之岡綿亘



數里民患水故徧居焉

標臺縣南三十里相傳 清泰主田獵於此立標竿爲

號故名

費公并在縣署東卽知縣費曾謀捐軀處事詳宦績藝  
文邑人哀之不忍汲欄以石



墓

墓塚在三里

許使大夫百里

墓於鄭行人

歿而葬于此

其宜也舊有

碑以記之墓久仆

知縣王應

為百里奚墓後為辨正

墓旁有廬

墓左車墓墓前有石方二

墓旁有廬

墓左車墓墓前有石方二

墓左車墓墓前有石方二

墓左車墓墓前有石方二

墓左車墓墓前有石方二

墓

卷之一

輿地志

三

部



臨武塚在臨岡按鄧州舊城東門外亦有塚不知孰是

王承墓在縣東南三十里俗傳永常傭於村之墓不按

承家博興湖廣孝感縣北石廟縣東北十三里黃山鄉

左承父墳也如臯縣北一百二十里亦有承墓長山

縣南三十里又有永祠此墓傳于故老未詳其實

曹子建墓在七步岡植徙封雍邱王卽今杞縣地明成

建九年大水墓陷一穴居民入視隧表碣曰曹植之

墓通許距杞六十里其爲植墓似也又考植初登魚

目有表碣之志遂營墓本傳以爲塋魚山卽今之東

門縣界通許何以亦有墓



李泚墓在小城岡泚字公度相人善寫山水及行書所至貴人爭延之不第遊覽經此而沒

九女塚在縣西北十五里世傳五季之亂趙氏九女逼於寇義不受辱而死因築九塚

孟昶塚縣西北三十里

詳見古蹟

寇萊公墓在寇村按公華州下邳人知鄧州咸平初徙河陽同知權知開封府貶雷州踰年卒歸葬西京今村亦名寇有塚在焉渭南縣北五十里亦有墓巴東公安有祠未知孰是

閻墓在閻墓岡

未詳始末



梁墓在梁墓岡 未詳始末

賈公墓在縣北鳳形岡公諱曾諱明末令通許城破殉  
節葬于此舊有祠久圯貢生景暹約社知縣林瑄捐  
俸修正房三間禪房三間廚房三間門樓一座塋域  
周圍墻垣召僧守之



祥異

宋

建隆三年正月燔廬舍三百四十餘區

大中祥符元年六月蝗○四年蝻繼作

天聖二年春夏不雨

熙寧七年七月鸛鵒食蝗

元祐元年三月雨雹殺桑無蠶

元

至元三年雨雹殺麥禾○二十二年官廳災○二十七年十一月河決義塘灣通許被害



元正元年六月蝗

大德元年六月至八月不雨

延祐元年八月地震

泰定二年五月河決漂沒廬舍○三年夏大旱

至治元年七月蝗食禾稼盡大饑次年蝻繼作有羣鷺  
食既復吐積如邱陵

至正二年三月地震屋宇傾○四年夏淫雨麥泔死人  
相食○五年霪雨麥禾俱不登

明

景泰元年秋蝗災



天順八年霪雨麥禾死

成化元年春不雨四月官民舍災冬無雪○二年四月  
霜麥死蝗災○四年秋霪雨禾腐○九年三月十六  
日晝晦雞犬皆鳴人持兵刃搖之有光六月十二日  
河決百畝岡民舍盡沒城內水深丈餘十月十七日  
河有聲如雷聞數里○十一年棗再實○十二年冬  
梨有花○十七年五月二十七日夜有聲自西北來  
雞犬驚鳴屋宇震動生毛長數寸○十八年蝗食禾  
稼盡飛積民舍

宏治元年秋無禾○三年四月颶沙晝晦○十二年冬



桃李花

正德元年夏大旱

五年七月天鼓鳴十一月十六日

風霾晝晦十二月六日晦七日復晦○六年正月六

日雨土四月八日紅霧迷空氣肅五月三日夜大星

隕于東南光燭天○七年二月五日至十二日月色

如火二十三日黎明大星東墜紅光亘天八月五日

夜有大星自東南流至西北光焰燭天鳥獸俱驚隨

有天鼓鳴○八年六月蝗○九年三月七日大風雨

晝晦五月二日大風雨晝晦三日乃霽七月八日

寒風作雨暴至禾死○十一年八月十一日霜大如



雞卵殺禾

嘉靖七年六月飛蝗蔽空每止處平地厚二三寸禾稼盡○十七年夏霖雨七十餘日麥腐秋禾盡死連歲下隰之地不可耕○二十年夏蝗民大饑○三十年正月大雨五十日二麥爛秋禾亦死

萬曆十八年三月三日大風晝晦○四十二年夏雨雹大如卵傷稼○四十八年蝗

天啓三年四月隕霜麥苗枯越數日根復生大穫

崇正八年蝗○九年蝗○十年蝗○十一年秋冬間每日晡西方赤光亘天○十二年蝗○十三年大旱人



相食○十四年大疫

國朝

順治五年四月雨雹○十三年三月五日大風黑氣自  
北來拔木覆屋

康熙元年秋霪雨河決杏樹口廬舍漂沒○三年大旱  
○七年六月十九日戌時地大震○八年霪雨傷禾  
○十二年大旱○十八年大旱○二十二年春霪雨  
蟲殺麥○二十三年大旱○二十四年夏霪雨屋廬  
壞禾傷○二十五年春旱夏霪雨○二十六年春旱  
夏霪雨○二十七年春旱夏霪雨○三十年夏旱



孫蟠繼之○三十三年縣民范子興妻張氏一產三男給米布

雍正二年縣民萬福貴妻吳氏壽一百三歲給坊

乾隆四年夏大雨四十餘日平地水深二三八壞廬舍  
秋禾淹沒○五年二麥豐收秋大獲○九年縣民金  
鳴琮妻時氏一百有三歲給額○二十二年六月至  
七月大雨傷禾次年民大饑○二十六年七月河決  
陽橋泛溢及許廬舍漂圯禾盡沒平地水深七八尺  
城門土掩往來通舟楫至十二月水患乃平○二十  
七年春播麥種比收倍於常有兩穗至七穗者○三



十年蝗起鄰邑將入許有羣鴉啄之遂不得入境

紀變附

宏治二年春夏不雨民掘塚出死者槌碎之謂之打旱

骨椿是後遇旱則發塚雖孝子慈孫無可如何○正

德六年十一月二十六日流賊入境西掠而去居民

奔汴七年正月二十八日流賊劉三等自扶溝入境

焚毀殺掠至城耳岡入尉氏境四月八日流寇自西

來經大小岡宿煉城邑人擒殺十七人賊走杞縣○

崇正八年以後無歲無賊至十三年饑疫賊勢益熾

十四年大疫至十二月城陷



通許縣志卷之二

建置志

許雖蕞爾地高堞深隍未嘗無金湯之固而且建公署以敷政立學校以育才嚴兵衛以詰奸崇報功則有祠廟而寺觀亦昭勝蹟聚民居則有街巷而坊表村鎮橋梁以次建立豈非因天乘地而爲肇造之良法歟乃旣遭兵燹又屢圯於水舊制無存

興朝定鼎以來吏茲土者漸次修復今已成美備之觀則所以爲斯民之計宜書之以示來者志建置

城池



城舊崇二丈廣一丈周二千四百八步明洪武五年知縣江允和因舊址築之永樂七年知縣許希道堅築基址建城於上成化九年大水城復於隍知縣于寬增築未就知縣黎顥繼修正德七年流賊之變藩司委教諭任儀董修嘉靖七年知縣胡節再修俱以土築崩圯不常崇正八年闖寇自秦雒犯豫知縣余尚春謀守禦倚城北壁增築新城俱甃以磚國朝順治間知縣褚士昇姜汝松賈待旌補葺康熙三十一年署知縣顧昌洛五十七年知縣王應珮相繼修乾隆二十六年黃河漫溢平地水深丈餘城垣墊陷知



縣阮龍光倡捐重修

城門東曰煦仁舊名長樂南曰阜民舊名永寧西曰和義舊名望嵩北曰承恩舊名安遠

城樓東南西北俱有樓各二楹東北有角樓東南有奎樓警舖四座

池深一丈五尺濶二丈



卷之二

續武備要



公署

知縣署宋咸平間改鎮爲縣建署於城內之東街明洪武三年縣丞范世英增拓之永樂間圯於河知縣徐達繕治天順八年知縣張侃宏治五年知縣于寬十八年知縣邵清相繼修正德五年知縣黎顥撤敞易新加以勦堊崇正十二年知縣余尚春增設內東西書房後毀於兵火國朝康熙元年知縣劉樾蕢因舊址修葺完美今因之

大堂三間值堂房三間寅賓館三間東西書吏房各十間戒石亭一座跨甬道中儀門三間有左右角門各



三間大門卽譙樓照壁一座坊一座顏曰古許國又  
大東西班房十二間宅門內二堂三間東西房各三間  
堂西補拙齋三間舊名致遠齋堂東正書房三間東房三  
間西房二間又前廚房六間三堂三間東西房各三  
間後樓五間東西房各三間樓東思補堂三間譙樓  
前東有旌善亭西有申明亭今廢大堂東爲馬號馬  
神廟一座馬房兩所又前收糧棚三間儀門東蕭曹  
祠三間土地祠三間

典史署在縣署西大堂三間班房四間大門三間堂西  
書房六間堂東馬房三間二堂三間後堂三間東西



房各三間

教諭訓導宅

詳見學校

把總署

詳見兵制

陰陽學醫學僧會司道紀司舊俱有署久廢今各以所

居爲之

倉廩

附

預備倉三十一間明洪武初建于城外西岡宏治間知

縣于寬遷建于縣衙內東偏正德五年知縣黎顥修

止存倉廩二十三間 國朝康熙三十三年知縣陳

治策創建八間共三十一間



常平倉四座共十二間在興文街

新建倉九座三十間在城內關帝廟後雍正三年知縣

王應珮奉 文建

大有倉四座十三間在治東知縣王應珮奉 文建

吉字倉慶字倉各一座五間在治東乾隆三年知縣黃

沛奉 文建二十八年知縣阮龍光修

社倉十二座每座三間在四鄉長智盧氏七步羊羔在

城吳召翟岡趙塊沈公青岡李左小城等十二里

庫房

附

庫樓在縣治大堂左知縣黎顯建久廢



庫房三間在縣治大堂左

儀仗庫久廢

架閣庫三間在縣治大堂右久廢

監獄

附

監獄在縣署儀門西正監三間東房三間西房二間北  
爲獄神廟吏夫房一間禁卒房二間



然燦輒顧更夫云一國禁卒無三國歷三年知縣黃  
紹林參謀署鄰門西五盤三關東吳三關西吳二關北  
宋開城三關各縣學大堂寺人觀在小城等十二里  
對對車人觀  
水三關各縣學大堂寺人觀在小城等十二里



學校

學宮在縣治東創於宋咸平間毀於元季明洪武初縣丞范世英因廢址重建永樂間知縣李本中修繕如制明季毀于兵火徒存頽垣國朝順治十年知縣賈待旌捐俸修康熙二十五年知縣惲驥重修二十八年知縣宗芳捐置祭器樂器二十九年知縣吳轍選定樂舞生六十四名演習供錢五十五年知縣李爲憲又捐增祭器儀制大備六十年知縣王應珮延師演樂每祀按節升歌

大成殿舊四楹知縣于寬增爲六楹乾隆二十九年知



縣阮龍光重修

東西廡各四楹明知縣黎顥增爲六楹嘉靖二十一年  
知縣陳正增爲八楹天啟三年知縣安良澤重修崇  
正末盡毀 國朝順治十年知縣賈待旌修復止兩  
楹康熙二十三年知縣憚驕增爲四楹五十四年知  
縣李爲憲乾隆二十九年知縣阮龍光相繼修

戟門四楹明知縣黎顥修天啟三年知縣安良澤再修  
國朝康熙五十四年知縣李爲憲乾隆二十九年知  
縣阮龍光相繼修

櫺星門二楹



學校

學宮在縣治東創於宋咸平間毀於元季明洪武初縣丞范世英因廢址重建永樂間知縣李本中修繕如制明季毀于兵火徒存頽垣 國朝順治十年知縣賈待旌捐俸修康熙二十五年知縣憚驪重修二十八年知縣宗芳捐置祭器樂器二十九年知縣吳轍選定樂舞生六十四名演習供錢五十五年知縣李爲憲又捐增祭器儀制大備六十年知縣王應珮延師演樂每祀按節升歌

大成殿舊四楹知縣于寬增爲六楹乾隆二十九年知



縣阮龍光重修

東西廡各四楹明知縣黎顥增爲六楹嘉靖二十一年  
知縣陳正增爲八楹天啟三年知縣安良澤重修崇  
正末盡毀 國朝順治十年知縣賈待旌修復止兩  
楹康熙二十三年知縣憚驥增爲四楹五十四年知  
縣李爲憲乾隆二十九年知縣阮龍光相繼修

戟門四楹明知縣黎顥修天啟三年知縣安良澤再修  
國朝康熙五十四年知縣李爲憲乾隆二十九年知  
縣阮龍光相繼修

櫺星門二楹



泮池戟門南當道中明嘉靖十三年知縣段璠建形如  
半壁 國朝康熙三十二年署知縣顧昌洛重修戟  
門南舊爲丞署所侵渙濁入泮池四十六年貢生景  
暹白其事知縣高崧勘還泮水乃清

照壁在櫺星門外長二丈五尺濶二尺五寸東坊曰聖  
城西坊曰賢關四圍宮牆高峻乾隆二十九年知縣  
阮龍光修

崇聖祠舊在文廟東康熙五十三年生員王九錫等重  
修乾隆二十九年知縣阮龍光移建廟內大成殿東  
省牲所在戟門外



神庫在戟門外房五間今廢

神厨與神庫對房二間今廢

宰牲房今廢

名宦祠在戟門外三間西向知縣惲驢重建

鄉賢祠在戟門外三間東向知縣惲驢重建

忠義祠在文廟東三間西向乾隆二十九年知縣阮龍

光修

節孝祠舊在東門內雍正二年知縣王應珮建乾隆二  
十九年知縣阮龍光移建於忠義祠之左

奎樓與文昌祠同閣在文廟東南明知縣錢夢鰲建安



澤良修明末毀 國朝康熙二年知縣趙與明復建  
尋圯雍正六年知縣王應珮修乾隆二十九年知縣  
阮龍光重修

明倫堂在文廟後五間明知縣于寬修康熙元年知縣  
劉樾費四十五年知縣高崧相繼修堂之前東曰進  
德齋西曰修業齋久廢大門一間

尊經閣五間在教諭宅後高三尋濶二尋五尺明知縣  
傅國教諭嚴士節建後毀於兵火 國朝知縣趙與  
明重建康熙六十年教諭張柚雲修

敬一亭在文廟東北內藏敬一箴並范氏心箴今廢



教諭宅在明倫堂後正堂三間乾隆三十三年教諭喬瑞璋修堂之前東房三間西房二間堂後西書房三間東房三間正樓五間

卽尊經閣

訓導宅在教諭宅東正堂三間堂西耳房二間二門一間有左右角門大門一間堂後正樓三間東房三間西房三間

韓文公祠在訓導宅東康熙五十一年教諭張袖雲訓導費克飭修雍正六年知縣王應珮重修

學倉久廢

射圃久廢



學日原額地三  
銀二十四兩四錢二分

自校官解

入學舊額歲試  
八文武生各十二名科試入文生十二

名雍正二年  
乃為大學歲試入文武生各十五名科

試入文生十五名

生二十名

生二十名

送學逢歲科兩  
新生紅案到學之後知縣曉示諸生

送學日期至  
諸生詣縣署知縣公服升堂諸生由

東角門進至上  
堂簷下行庭參禮禮畢依次列坐書



役分給花紅酒三巡諸生向上三揖鼓樂前導由中  
門步出上馬縣備儀從親送至文廟遊類率諸  
生請大成殿行三跪九叩首禮禮畢詣明倫堂知  
縣教官行交拜禮諸生拜謝知縣教官入坐酒三巡  
揖送

書院

縣平書院在縣治東本裁丞廢署乾隆二十一年知縣

武昌國建爲講堂三間東西齋各三間二門一

大門三間講堂西書房三間又前齋厨三間後堂

三間東西齋各三間堂之西厨房三間



按通邑舊有育英書院建於鳳形岡西既廢  
二十五年知縣潘文改爲咸平書院毀於明季  
國朝康熙三十四年知縣陳治策以明邑令余尚  
春廢祠建爲進學書院仍祀余令雍正二年知縣  
王應珮重修乾隆二十一年知縣武昌國另建書  
院遂改爲義學

義學在扎門外卽進學書院改名

總社學明天順間知縣張侃建于縣治東後圯于水  
建于謙樓西今廢

鄉社學七處一在城六在鄉今廢



書院學田公捐地六十七畝納銀二十兩四錢一分  
義學學田公捐地二頃五十三畝納銀七十九兩



兵制

分防把總一員屬撫標左營本縣額撥馬兵三名步兵二十六名

把總署在東門內舊爲布政分司未詳何年改建正堂三間兵丁房二間二門一間有東西角門大門一間堂東客廳三間堂西箭亭三間後堂三間堂東耳房二間廚房二間

校場在東門外縣試武童把總操演兵卒俱在此

觀德亭三間在校場內亭前旗纛臺一座知縣劉樾黃建雍正六年知縣王應珮修易今名乾隆二十七年



知縣阮龍光重修

東水窩墩臺一座南至縣五里北至大雙溝十里

大雙溝墩臺一座北至祥符縣武田五里

牛家庄墩臺一座北至縣十里南至周家庄十里

周家庄墩臺一座南至底閣五里

底閣墩臺一座南至扶溝縣江村十里

以上墩臺俱雍正五年知縣王應珮奉文修理

南路潘樓舖離縣十里

南路馬頭舖離縣三十里

南路黑王營舖離縣四十里



西路堅岡舖離縣二十里

北路小城舖離縣二十里

東北路七步舖離縣二十里

西北路水窩舖離縣八里

官路

附

官路北自祥符交界大雙溝起南至扶溝交界赫家莊止俱寬三丈兩行栽柳七千餘株雍正七年知縣王

應珮奉 文種植



縣志

文獻

山其高三丈四面皆峻峭千石錯雜五小半映綠

宮殿林有綠竹其大如臂其南至北界其界其

有

西其山其高八里

東其山其高二十里

北其山其高二十里

南其山其高二十里



祠廟

城隍廟在縣治東立縣之始卽建正殿舊四楹縣丞范  
世英建正統間知縣徐達修宏治十年知縣于寬增  
爲六楹正德七年知縣段補之增後殿六楹東西廊  
各十二間嘉靖間知縣胡節復修大門又增石欄建  
昭格在茲坊 國朝知縣姜如松賈待旌增新之吳  
轍張愷顧昌洛相繼修

關帝廟在城內東北隅明知縣傅國修 國朝順治十  
四年知縣賈待旌重修邑民婁鳳來等募建東西房  
康熙五十三年知縣李爲憲建照壁



痘神廟在南門內大司馬馬鳴珮建大司馬党崇雅撰

碑安陽令馬國楨重修知縣陳治策作記

火神廟在城內東南隅

二郎廟在城內東南隅

三忠祠在縣署後祀知縣費曾謀縣丞田有功教諭謝

欽訓康熙四十五年知縣高崧建

名宦祠

見學校

鄉賢祠

見學校

忠義祠

見學校

節孝祠

見學校



關帝三代廟在城東北隅關帝廟左雍正二年知縣王應珮建

東嶽廟在東門外明永樂間修 國朝順治十五年殿東北建玉皇閣殿左右廊塑十王像殿東爲觀音殿殿西爲關帝廟皆僧惠菴募修

三皇廟在東門外

劉猛將軍廟在三皇廟前正殿三間門樓一座雍正三年知縣王應珮建

元武廟在北郭外

七聖廟在城西乾峯岡



黑龍王廟在三里岡

神農廟在縣西南小岡明天順間河水泛神像至小岡里民郭運建

顯靈廟在縣北水窩元至正二年建

泰山行宮在豎岡北

五龍廟在南城外明正德四年大旱知縣黎顯造土龍致雨因建此廟

天仙廟在縣南夾河灘

歐陽公祠在縣東歐陽岡

陪昌祠在李左里按李左車宋封陪昌公明洪武初下



詔古聖賢塚祠舉加修崇祠始

董孝子祠在縣東南三十里

董相祠在仲舒岡

嚴子陵祠在燕家岡

范張祠在趙塊岡相傳范式赴張邵雞黍之約嘗過此  
後人慕其義因爲立祠又考盱眙縣范張村亦有祠  
百里祠在縣西南二十里百里池

行人子羽祠在縣東三里岡康熙五十五年貢生景暹  
約社於塚北建正房三間門樓一座

晏公廟在鳳形岡



八蜡廟在北門外

金龍四大王廟在北門外

崔公祠在東門外祀明總兵崔文

時公祠在縣治東祀梁山縣主簿贈知縣時宦

余公祠在八蜡廟西祀明邑令余尚春

費公祠在北門外祀明邑令費曾謀



寺觀

洪福寺在西門外建於唐有浮圖十二級明崇正間廢

廢寺亦祀國朝順治十四年知縣賈待旌修之

開國寺在縣西李左里

觀音寺在縣東長智里

興國寺在孟昶墓西建於宋明永樂間重修

觀音寺在底閣明成化間建知縣程選修

鐵佛寺在縣南二十五里

西雲寺在縣西南扈岡

湧泉寺在縣西二十里澗頭岡明洪武十四年建



寺臺寺在九女塚

清涼寺在大雙溝明天啟間知縣傅國建

天清寺在仲舒岡

建福寺在大岡

觀音寺在穆子岡明宣德初修

開元寺在練城岡宋熙寧間建明正德十四年修

開華寺在鞍子嶺

延徽寺翔於漢在大青岡

華嚴寺在王固岡明正德間建

朝陽菴在城耳岡順治十五年建



白雲觀在城外東南隅今廢

三清觀在西門外

甘霖應禱宮在百里池

準提菴在東門外

大悲菴在縣東南三里貢生司一琴建



大慈寺在縣東南三里黃土山

秦穆

四年

寺在縣東南三里

甘露寺在縣西百里

甘露寺在縣西百里

甘露寺

甘露寺

甘露寺在縣西百里

甘露寺

甘露寺



村鎮

長智集

縣東十五里

土灣

縣東二十里

下灣

縣東十二里

沈公村

縣東十五里

寇村

縣南十三里

陳村

縣南十五里

底閣

縣南十五里

劉村

縣南三十里

黃河夾

縣西五里今  
謠為王瓜架

清水口

縣西十二里  
黃河故道

小豬村

縣西十八里

趙亭

縣西十八里  
趙曉卿別墅又見古遺

大豬村

縣西十二里

東水窩

縣北三里

山龍口

縣北十里  
黃河故道

張家庄

縣北十五里

雙城集

縣北二十里

沙灘

縣東南二十里



席家寨

縣東南二十里

常棣根

縣東南三十里

閣台

縣東南三十五里

申家店

縣東南三十五里

萬薑嶺

縣東南五十里

羊羔橋集

縣東北十八里

朱村

縣東北二十里

七步

縣東北二十里

魚營

縣西南十里

劉家庄

縣西南十二里許大夫百里

百里池

縣西南二十里

燕家岡

縣西南二十五里嚴子陵

小雙溝

縣西北二十里

孫家營

縣西北二十里

橋梁

附

虹霓橋

在文廟前有坊二座曰雲路曰虞門橋勝

址故



義橋

在縣西北三義廟後萬歷三年知縣張應昌創建有記

普濟橋

在北門外西北里康熙十六年畢得科募建

羊羔橋

在治東北十八里踰舊黃河通陳留路西餘里有橋曰東羊羔橋今廢

通濟橋

在治西二十里







街巷

大街 在縣治前東門西門

興文街 在縣治後

永興街 在縣治西通南門北門

仁義巷 在永興街西

麗正街 在南門內

新街 在麗正街西

雲路街 在儒學正南

坊表附

古許國坊 在縣治前

興賢坊 在儒學右

育賢坊 在儒學右

旬宣坊

激揚坊

狀元坊 為王拱辰立

進士坊 為孫確立

解元坊 為于琇立



進士坊

為于琇立

貞節坊

為桑福妻袁氏立

參繡坊

為時紀立

進士坊

為婁良立正德四年知縣黎顥重修

都憲坊

為婁良立正德四年知縣黎顥重修

進士坊

為賈恪立

繡衣坊

為賈恪立

登雲坊

為楊宣立

進士坊

為賈定立

京闈坊

為馬麟立

跨鰲坊

為李欽立

鳳鳴坊

為崔珽立

世科坊

為時相立

繩武坊

為時中立

登雲坊

為劉漢立

文魁坊

為劉淳立

鄉闈坊

為游汝昌立

奎光坊

為韓進立

光祿坊

為張文淵立

文炳坊

為韓暹立



趙鳳坊

為張希宗立

舉人坊

為韓玉立

進士坊

為李志學立

司城坊

為崔敖立

忠節坊

為時植暨妻賈氏立乾隆二十九年裔孫重修

貞節坊

為時忠妻苗氏立

成志坊

為張瑤立

桂樵坊

為劉崇儒立

進士坊

為崔應極立

經魁坊

為鞏邦固立

恩榮坊

為王順行立

聯魁坊

為李雲程立

節孝坊

為武進士陳宏訓妻林氏監生陳煜

妻手氏立







通許縣志卷之三

田賦志

則壤所以成賦也而析里爲甲聚里爲鄉生齒多寡之數辨焉是戶口與田稅相附麗也許邑幅員狹隘絕長補短僅五十里不足當名邑四分之一雖承平日久休養生息日以繁庶而土田磽瘠民鮮蓋藏是所望於仁人君子加意撫恤庶免中澤之嗷而有陰雨之樂矣志田賦

里甲

原額四鄉一十二里



永寧鄉在縣東北統四里曰長智曰盧氏曰七步曰羊羔

安業鄉在縣西南統三里曰在城曰吳召曰翟岡

善化鄉在縣東南統三里曰趙堽曰沈公曰青岡

德政鄉在縣西北統二里曰李左曰小城

每里十甲歲役十人每甲十戶十二里共二千二百戶

白

國朝定鼎止分十二里每里十甲

戶口

明季人丁上中下九則自



國朝初定生齒彫耗止存中下六則

原額人丁一萬一千三百五十二丁

原額丁銀四百六十兩八錢六分

康熙五十年奉 文編審新增逾額人丁九百四十五

丁

新增丁銀六十四兩二錢九分

新舊人丁一萬二千二百九十七丁

實徵丁銀五百三十五兩二錢五分復奉 文以後滋

生戶口人丁但彙冊報部永不加賦

雍正四年奉 文編審新增人丁五百二十二丁



通計新舊人丁共一萬二千八百一十九丁內除新增  
五百二十二丁不派丁銀

乾隆三十一年奉 文編審連前新增逾額人丁六百  
九十四丁

通計新舊人丁一萬二千九百九十一丁內除新增人  
丁六百九十四丁不派丁銀

實徵丁銀仍照康熙五十年徵解五百三十五兩二錢  
五分又奉 文丁銀派入地糧紳衿吏民按糧均攤

田稅

原額民田八千三百九十六頃二十九畝六分實徵糧



銀三萬四百八十四兩四錢四釐遇閏加徵銀九百五十二兩八錢

康熙八年四月內新收更名地一百三十八頃實徵銀五百五十六兩九錢四分遇閏加徵銀一十五兩六錢六分五釐

又收荒地九十三畝實徵銀三兩七錢五分三釐遇閏加徵銀一錢六釐

雍正七年新收首報地九頃五十四畝四分一釐四毫實徵銀三十九兩三錢九分七釐遇閏加徵銀一兩八分三釐



雍正十三年新收夾荒地六十二畝實徵銀三兩五錢五分九釐遇閏加徵銀七分

又收老荒地一頃九畝四分二釐實徵銀四兩五錢一分七釐遇閏加徵銀一錢二分四釐

以上除更名荒田首報夾荒老荒例不派漕外民田照依賦役則例每畝派漕米七合六勺四抄八撮四圭七粟九粒四顆實征漕米六千四百二十一石八斗八升九合七勺

乾隆四年四月內新收祥符縣正管民田好地四十一頃五十二畝九分九釐九毫二絲實徵銀二百五兩



二錢六分三釐遇閏加徵銀三兩八分一釐派漕米一十四石五斗五升七合三勺

又收正管沙地五十八畝二分實徵銀一兩四錢六分遇閏加徵銀二分二釐派漕米一斗三合五勺

又收寄庄好地一頃二十一畝九分實徵銀六兩三錢一分遇閏加徵銀九分七釐派漕米四斗六升一合六勺

又收寄庄沙地二畝實徵銀五分四釐遇閏加徵銀一釐派漕米三合八勺

以上更名荒田並首報夾荒老荒以及寄庄等色



共地八千五百八十九頃八十三畝五分三釐三毫二絲

通計實徵銀三萬一千三百四兩八錢五分七釐  
通計遇閏加徵銀九百七十三兩四分九釐內分  
折色起運原額銀一萬七千四百三十兩七錢一釐遇  
閏加額銀七十九兩二分四釐外扣解優免丁糧銀  
二百五兩五錢三分

本色起運原額銀五千一百六十八兩三錢一分九釐

內有康熙九年遵奉

部文外補徵漕耗銀米並黃

丹價值共銀七百六十一兩一錢六分二釐



正兌改兌原額漕米五千九百六十二石每石價銀八錢共  
該銀四千七百二十四兩八錢康熙二十三年奉

文改爲折色又二十九年奉 文仍解本色三十年

又奉 文暫停一年

存留原額銀一萬一千二百三十三兩二錢七分六釐  
除扣解優免外實徵銀一萬一千三十五兩七錢七  
分五釐遇閏加徵銀八百七十三兩七錢八分實徵  
銀八百六十三兩七分一釐內分

修理文廟龍亭並各土司及本縣經費原額銀一千一  
百八十六兩二錢六分實徵銀一千一百六十五兩



四錢四釐過閘加銀九十四兩六錢五釐實徵銀  
九十三兩四錢四分五釐

河夫原額銀三百七十九兩二錢

舊驛站原額銀三千八百九十五兩九錢二分七釐  
國月銀三兩二錢六分六釐

本驛站原額銀一千一百一十二兩二錢四分六釐

舊驛站原額銀一千一百一十二兩二錢四分六釐

本驛站原額銀一千一百一十二兩二錢四分六釐

舊驛站原額銀一千一百一十二兩二錢四分六釐



原額徵解稅銀一百一十九兩二錢八分七釐

康熙四十九年新增稅銀二百兩

雍正五年首報贏餘稅銀五百七十五兩六錢六分三釐

釐五毫

以上三項共實徵解稅銀九百一十二兩四錢七

分五釐五毫

鹽課

原額食鹽戶一萬一千三百五十二丁應食山東阿城

官鹽大引四百二十二引奉文一引分爲三引

照部文自順治十三年爲始



康熙五年奉

旨改食長蘆官鹽一千七百六十六引十五年增引五百  
五十九年奉 文分認京引一百四引每年應銷二  
千三百七十引

恤政

康熙二十五年應徵地丁各項錢糧蠲免一半其二十  
四年未完地丁錢糧亦著盡與蠲除

康熙三十一年河南省錢糧着通行蠲免並漕糧免  
等徵

康熙四十二年本年丁地錢糧拖欠在民者著蠲免



免

康熙五十年天下錢糧通行蠲免及歷年舊欠錢糧一  
并免徵外五十一年地丁銀全免

雍正元年緩徵現年錢糧奉

旨發穀賑濟

雍正三年奉

旨發穀賑濟

雍正六年奉

旨發穀賑濟七年蠲免豫省本年額徵錢糧四十萬兩

雍正八年河南被水州縣之漕糧按成災之分數蠲免



雍正九年奉

旨發穀賑濟

雍正十一年蠲免豫省本年額徵錢糧四十萬兩

雍正十三年

恩詔各省民欠錢糧，年以上者槩予蠲免，又於

恩詔外，將雍正十二年以前各省錢糧實欠在民者一併

寬免

乾隆四年奉

旨發穀賑濟，動用常平義社等倉穀二萬一千二百一十

二石四斗



八年秋旱

乾隆十一年直省應徵錢糧十分之七九分者蠲免十分之六八分者蠲免十分之五

乾隆十一年直省應徵錢糧通行蠲免

乾隆十五年丁地錢糧通行蠲免十分之五

乾隆二十二年奉

旨賑濟發穀八萬七千三百一十二石七斗一升五合每石折銀七錢共折銀四萬八千四百三十八兩六錢九分六釐二毫五絲又每穀一石折米五斗又折發米九千六十二石二斗八升八合七勺五抄緩徵丁



地錢糧

乾隆二十六年奉

旨賑濟發穀八千石九斗二升五合又發折色銀八萬三千八百四十九兩四錢六分六釐

乾隆三十一年蠲免本年漕米

乾隆三十五年蠲免本年錢糧

養濟院舊在城北鳳形岡明洪武間縣丞范世英修成  
化二年知縣張侃增修後移西門外正房三間東西  
房各三間久廢 國初知縣賈待旌於東門外買民

房一所西樓三間東房三間門房一間久圯雍正六



年知縣王應珮捐建正房三間偏房三間門樓一間  
乾隆三十三年知縣阮龍光捐俸重修

普濟堂在西門外瓦房十一間草房二間門樓一座乾  
隆 年知縣黃沛建二十六年圯于水知縣阮龍光  
捐俸重修

漏澤園宋寧宗間令郡縣出常平錢置漏澤園以葬民  
之死而無歸者歷代因之明成化初巡撫張瑄申明  
舊制令撫內郡縣各立漏澤園東西四十尺南北倍  
東西而餘八尺繚以周垣一在邑厲壇東一在鳳形  
岡南知縣錢夢鰲立石



義塚三關底閣樹岡各一區 國朝順治九年知縣姜

汝松奉 文設立掩埋暴露骨骸東關一處雍正五

年知縣王應珮捐俸七兩四錢置地二畝七里灣一

處舉人潘潔捐地二畝徐家屯一處拔貢徐作舟捐

地三畝南關一處歲貢司一琴捐地一畝趙塊岡一

處監生王國生生員王型公捐地一畝八分韓家庄

一處監生王國生捐地三畝北魚營一處生員何潛

捐地一畝東關準提菴後一處計二畝有零年遠不

知何人置買劉猛將軍廟東南一處計五畝有零年

遠不知何人置買劉猛將軍廟前一處計二畝有零



乾隆二十四年知縣陳名豐直買南關一處黃篠殿  
東南一處計四畝乾隆二十四年知縣陳名豐置買



東南一歲情四燭茲逢二十四年秋

草園二十四年秋情四燭茲逢二十四年秋



